



Far taschair las dunnas

■ Scienzias, artistas renumadas e schurnalistas eloquentas datti en rotschas. Per ellas èn tuttas portas avertas. Ellas na portan nagin buccarè, èn preschentadas en la publicitad e pon s'exprimer libramain cura e nua ch'ellas vulan. E quai schizunt tar temas che n'han da far nagut cun la «chaussa da la dunna». Ma quai n'è deplorablmain betg dal tut vair.

Il «global media monitoring» che vegn actualisà mintga quatter onns sin l'entir mund – er en Svizra – mussa il suandant: Las dunnas èn sutrepre-

schentadas fermamain en las medias. Betg mo sco schurnalistas e redacturas. En tut figureschan las dunnas en las medias en maletg, text e tun cun be radund 20 pertschient. Il pli savens vegnan ellas menziunadas sco mammas, consortas e stars. Sco expertas per temas specifics dentant strusch. Cun auters plets: Dapi l'antica è sa midà be pauc en il discurs public. Che las dunnas tashan en la pluralitad è evidentamain ina constanta. E ch'i vegn anc adina empruvà da far taschair ellas er.

Silvia Hofmann